



UNIVERSITÄTS-  
BIBLIOTHEK  
PADERBORN

**Ioannis Tollenarii Brvgensis e Soc. Iesv Specvlvm  
Vanitatis Sive Ecclesiastes Solvta Ligataq. Oratione  
Dilvcidatvs**

**Tollenaeer, Jean de**

**Antverpiæ, 1635**

Prosa Exegesis.

---

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

I nunc, factis porrige famam:  
 Famam ingenio, famamque opibus,  
 Famam intrepidâ molire manu:  
 Cuneta immemori nocte recondet  
 Sera vetuscas. Age corticibus  
 Insere amores, ut cum tiliis  
 Nomina crescant: seu a securis,  
 Nemorum celsis inimica comis,  
 Longum tiliis inuidet eum.  
 Paro titulos marmore sculpas;  
 Dum tempus edax monumenta terit,  
 Obsita titulis saxa fatiscant.  
 Si mors axis tiliisque venit,  
 Quis vituris credere chartis  
 Vitæ sataget labilis umbram?  
 Si post cineres fœnora vitæ  
 Será affectas laude nepotum;  
 Altera tandem te fata manent.  
 Postuma quidquid proferet atas,  
 Postuma rursus proruet atas.

## PROSA EXEGESIS.

**Q**VARTVM hoc est Ecclesiastæ consectarium, quod ex caducâ rerum creatarum naturâ, fluxuque pernitatè glo-<sup>Oblivio va-</sup>petuo deducit, præteriorum scilicet sæculorum omnia obliuio: quâ luculenter eos vanitatis redarguit, qui semimortuam in terris nominis immortalitatem sectantur. Quæ quidem vanitas plerisque hominum, ac præsertim optimis quibusque, & ad virtutem natum, fucum facit, dum amplissimum virtutis præmium esse gloriam arbitrantur, & mortali immortalitatem non esse contemnendam. Quinimò, si M. Tullium audi-

audimus, nullam virtus aliam mercedem laborum  
periculorumque desiderat, præter hanc laudis & glo-  
riæ: quâ quidem detractâ, quid est, inquit, quod in  
hoc tam exiguo vitæ curriculo, tamque breui tantis  
nos laboribus exerceamus? Certè si nihil animus præ-  
sentiret in posterum; & si, quibus regionibus vitæ  
spatium circumscriptum est, eisdem omnes cogitatio-  
nes terminaret suas; nec tantis se laboribus frangeret,  
neque tot curis vigiliisque angeretur. Nunc insidet  
quædam in optimo quoque virtus, quæ noëtes & dies  
animum gloriæ stimulis concitat; atque admonet non  
cum vitæ tempore dimittendam esse commemora-  
tionem nominis nostri, sed cum omni posteritate adæ-  
quandam. Licuit otioso esse Cn. Pompeio, licuit C. Cæ-  
sari, licuit aliis infinitis, qui se totos Reipublicæ tra-  
diderunt: sed nimirum inhærebat in mentibus quasi  
sæculorum quoddam augurium futurorum. Quid  
Q. Curtium commemorem, qui se pro patriæ inco-  
lumente deuouit? quid morte, quam triumpho illu-  
striores Decios, animæque magnæ prodigum Paulum?  
qui numquam tam vile corpus habuissent, nisi gratâ  
posteriorum memoriâ se consolati fuissent.

Prætermitto Noëmi posteros, qui in campo Sen-  
naar non aliâ de causâ insanias illas Babylonicae turris<sup>Genes.11.</sup>  
substructiones moliti sunt, quam ut nomen suum  
æternitati consecrarent. Prætermitto ceteros, qui ut se  
aut scientiarum luce, aut artium inuantis, aut præcla-  
ris in Rempublicam meritis, illustriores redderent, vi-  
tam infinitis laboribus vigiliisque confecerunt. Quâ  
potissimum ratione ducti? Viderunt scilicet, vitæ bre-  
uem esse cursum, at gloriæ sempiternum. Felices, si ad  
veri Dei cultum, solidamque virtutem potius, quam

*Gloria &  
terna qua-  
renda.*

ad gloriam, virtutis umbram, sua studia curasque retulissent: aut, si tanta erat dulcedo gloriae, non eam ambinissent, quae cum hominum laude nutriatur, toutes intermoritur, quoties ipsi praecones morte extinguntur; sed eam potius, quae maior est popularis virginis suffragiis, quam Deus virtuti destinat, quam ipsa eternitas semper intuebitur. Nam cetera quidem humana sunt, id est, fragilia, caduca, mortalia, & ut in tempore nata, sic temporis legibus obnoxia, & cum tempore interitura. Ut non iam fabula sit illa tanto-pere à Poëtis decantata Saturni (que in *Xενιον* vocant) edacitas, cum nihil in tempore ortum acceperit, quod non aliquando conficiat atque consumat vetustas. Vbi nunc horti Babylonis penitiles? vbi Creticus labyrinthus? vbi nobilissimum illud Mausoleum, amoris fideique coniugalis monumentum? vbi pyramides Aegyptiae, quae supra viginti terrae iugera basi suâ texerunt? vbi Rhodius colossus, ingentes sub pedibus onerarias in portum transmittens? vbi denique hæc ipsa turris Babel, cuius paulò antè meminimus, quam Noëmi posteritas velut eternitati famaque postumæ consecrauit? Nescio an ullum tot miraculorum vestigium sit inuenire, præter hoc unum, quod in re simili producit Boëtius:

*Signat superstes fama tenuis pauculis  
Inane nomen litteris.*

Atqui hoc ipsum est, inquiunt, in quo plus ad immortalitatem præsidij, quam in saxis & marmoribus repositum esse confidimus, scripta scilicet doctorum virorum monumenta. Certè hanc contentionem instituere non dubitat Horatius, dum ita sibi applaudit:

*Exegi monumentum ære perennius,*

*Rega-*

*Boëtius li-  
bro 2. Con-  
sol. Metro*

7.

*Horat. li. 3.  
Carmin.  
Od. 30.*

Regaliique situ pyramidum altius:  
Quod non imber edax, non Aquilo impotens  
Posit diruere, aut innumerabilis  
Annorum series, aut fuga temporum.

Sed falsum est. Quam multa litterarum monumenta  
sic interierunt, ut ne fragmentum quidem vlliū sche-  
dij sit inuenire? *Quis vel epigraphen vimquam vidit*  
*illorum librorum, quos Noë diuinorum humanarum-*  
*que litterarum professor, teste Berofo, partim Arme-*  
*nis, partim Italī (apud quos Iani nomine consecra-*  
*tus est) reliquit?* *Quis vel corrosum vetustate frag-*  
*mentum inuenit sapientiæ Themanitarum?* *Quis vel*  
*codicem vnicum in lucem protulit ex illo celeberrimo*  
*Dabirenorum archivio?* *Quid nobis residui fece-*  
*runt sapientes Taneos & Mempheos?* *quibus in ciui-*  
*tatibus celeberrimæ Ægyptiorum Academiæ florue-*  
*runt, quas studiorum causâ Musæus, Orpheus, Dæda-*  
*lus, Homerus, Solon, Lycurgus, Thales, Pythagoras,*  
*Plato, Democritus frequentarunt.*

Et quis dicat, plus vitæ vigorisque Græcorum ac  
Romanorum scriptis fore, quam Chaldæorum? Si nu-  
trices illæ scientiarum Athenæ nihil præter vastitatem  
ac solitudinem ostendunt, quid alumnis eius futurum  
existimamus? Neque vero est, quod Romani Scripto-  
res chartis suis æternitatem promittant, quam Imperio  
dare non potuerunt. Et si non paucæ Ciceronis  
aut Senecæ lucubrationes in spongiam temporis incu-  
buerunt, quis reliqua eorumdem opera exempti iuris  
esse pronuntiabit?

Vana est igitur illa Scriptorum immortalitas, & ina-  
ne chartis illitum nomen. Veniet & illis sua dies, quæ  
aut extremam Europæ vastitatem, aut præteriorum

*Litterarum  
monumenta  
peritura.*

*Berofo  
lib. 3. An-  
tiquit.*

*Pineda Sa-  
lomone  
præv. lib. 3.*

*c. 27.*

F 3                    Fxcu-

sæculorum barbariem, & politioris litteraturæ obliuionem reducit. Et ut melior nobis fortuna, quam Afiae Africæque, contingat, hoc saltem eum Senecā confidenter afferam: Profunda supra nos altitudo temporis veniet: pauca ingēnia caput exerent, & in idem quandoque silentiumabitura, obliuioni resistent.

*Seneca  
Epist. 21.*

*Vera gloria  
quaranda.*

*Psal. 111, 7.  
Pro. 10, 7.*

Si politiora quoque ingenia in idem silentium tandem abitura sunt, quid reliquum est, quo beatæ æternitatis veræque immortalitatis cupidos consoler, nisi hæc vna cohortatio, vt humanæ laudis fumulos despicatui habentes, iustitiam colant, impietatem detestentur: ac tum demum ex hisce diuinis oraculis summo animi sui solatio discant, quid inter beatam iustorum æternitatem, vanamque nominis immortalitatem intersit. *In memoriam aeternam erit iustus. Et: Nomen impiorum putrefacet.*

## SECTIO SEXTA.

### ECCLESIASTES.

VERS. 12. Ego Ecclesiastes fui Rex Israël in Ierusalem,

13. & proposui in animo meo querere & inuestigare sapienter de omnibus, quæ fiunt sub Sole. Hanc occupationem pessimam dedit Deus siliis hominum, vt occuparentur in eâ.

14. Vidi cuncta, quæ fiunt sub Sole, & ecce vnuersa vanitas, & afflictio spiritus.

15. Peruersi difficile corriguntur, & stultorum infinitus est numerus.

<sup>a</sup> Alij, quia  
stultorum  
infinitus est  
numerus,  
qui vali-  
dius exem-  
plo trahunt,  
quam in-  
dustria per-  
uersa corri-  
gentium.

METRI